

Page: 7

Reach: 0

Country: BOSNIA AND HERZEGOVINA

Size: 104 cm²

1 / 1

Pritvor će tražiti za svih devetoro uhapšenih

**N. HASIĆ**

SARAJEVO - Tužilaštvo BiH zatražilo od Suda BiH da odredi pritvor za devet osoba uhapšenih u akciji "Gibraltar" zbog sumnje da su finansijskim malverzacijama budžet BiH oštetili za više od pet miliona eura.

Osmoro osumnjičenih, među kojima su i dva člana Uprave

kompanije HT Mostar, uhapšeno je prekuće, a deveti osumnjičeni, direktor marketinške agencije "Mita Group" Ejub Kučuk juče se, po povratku iz inostranstva, predao Državnoj agenciji za istraže i zaštitu (SIPA).

"Nakon predaje, po nalogu tužitelja, realiziran je pretres stanu i prostorija koje koristi osumnjičeni, nakon čega će biti predat postupajućem tužitelju. Tužitelj i

njegov tim radili su intenzivno u protekla 24 sata i ispitali sve osumnjičene koji su lišeni slobode", rekao je jučer Boris Grubešić, glasnogovornik Tužilaštva BiH, iz kojeg je saopšteno da nastavljuju istragu.

Pripadnici SIPA prekuće su uhapsili članove Uprave HT Mostar Stipu Prlić i Žorana Bakulu, direktora marketinške agencije S.V.R.S.A. Nevena Kulenovića i

njegove saradnike iz ove firme Belmu i Sanjina Kulenovića. Isti dan uhapšeni su i zamjenica direktora Pink BH Lajla Torlak, direktor nekadašnje "Mreže plus" Darko Aleksić i Senad Zaimović, vlasnik marketinške agencije "Fabrika". Tužilaštvo BiH sumnjiči ih za organizovani finansijski kriminal i korupciju: za krivotvorene službene isprave, zloupotrebu položaja, pranje novca, poreznu utagu, carinske prevare, давanje i primanje dara. Iz SIPA je saopšteno da je istragom utvrđeno da su uhapšeni na osnovu krivotorenih ili štetnih ugovora i faktura izvlačili novac preko off shore kompanija u inostranstvu i stekli protivpravnu imovinsku korist u iznosu većem od pet miliona eura za navodni otkup TV prava i usluga, a koja najvećim dijelom nisu bila stvarno prometovana.